

На Господи воззвах, стихиры на 8. Глас 4. Подобен: Яко добля:

Занев: Из глубины воззвах к тебе Господи, / Господи, услыши глас мой.

Трисолнечнаго Божества предстатель / светлейший Михаиле являясь архистратіже, / с горними силами зовеші радуясь: / Свят еси Отче, Свят еси Собезначальное Слово, / Свят еси и Святыи Душе, / еди́на слава, едино Ца́рство и естество, // едино Божество и си́ла.

Занев: Да будут уши твои, / внимлюще гласу моления моего.

И вид твой огнен, и доброта чудна, / Михаиле первоа́нгеле: / неведественным бо естеством, преходиши концы, / исполняя повеления всѣх Творца, / силен в крепости твоей познаваемъ, / и источник исцелений / храм твой соделова́я, // званием твоим святым почита́емый.

Занев: Аще беззаконія назриши Господи, Господи, кто постоит, / яко у тебе очищение есть.

Творяи ангелы Твоя, / якоже писася, / духи, и служащия Тебе пла́мень о́гненный: / посреде чинов первенствующа, / показал еси Го́споди, / Твоих архангельских, Михаила архистратига, / Твоим мановением повинующася Слове, // и песнь Трисвятую со страхом возглашающа славе Твоей.

Ины стихиры, глас 4. Подобен: Дал еси знамение:

Занев: Имене ради твоего потерпех тя Господи, потерпе душа мо в слово твое, / упова душа моя на Господа.

Ум предвечный, / свет состави вторый, / Гавриила / Тебе причастии божественными просвещающаго всю вселенную, / и юже от века открывающаго нам, / божественную и великую истинно тайну: / во утробе Воплощаемаго девственной суща безтелеснаго, / и бывша Человека, // во еже спасти человека.

Занев: От стражи утренния до ноши, от стражи утренния, / да уповает Израиль на Господа.

Престолу предстоя Трисолнечнаго Божества, / и богато осияемъ Божественными светлостми, / испущаемыми непрестанно отуду, / сущия на земли радостно ликующия, / и благохвалящия тя, страстей мглы избави, / и просвещением уясни Гаврииле архистратіже, // молитвенниче о душах наших.

Занев: Яко у Господа милость и многое у Него избавление, / и Той избавит Израиль от всех беззаконий его.

Сокруши сверепства агарянская, / на стадо твое часто находящая: / устави раздоры Церкви, / укроти бурю безмерных искушений: / избави бед и обстояний, любовью чтущия тя, / и под кров твой прибегающия, // Гаврииле архистратіже, молитвенниче о душах наших.

Слава, глас 6:

Византиево: Срадуйтеся нам вся ангельская чиноначалия, / первостоятель бо ваш и наш предстатель, великий архистратіг, / в днешний день, в честнем его храме, преславно являясь освящает. / Темже по долгу воспевающе, тому возопиим: / покрый нас кровом крил твоих, // величайший Михай́ле архангеле.

И ныне, Богородичен:

Срадуйтеся нам вся девственных ликостоя́ния, / Предстательница бо наша, и ходатаица, / и покров, и великое прибежище, / в днешний день, в честнем Ея и Божественнем храме, / скорбящия утешает. / Темже по долгу воспевающе Сію, возопиим: / покрый ны Божественным предстательством Твоим, // Пречистая Богородице Владычице.